



P R O P O Z I C I J E

**TAKMIČENJA OMLADINSKE LIGE PREDPIONIRA, PIONIRA I KADETA
NS UNSKO-SANSKOG KANTONA ZA TAKMIČARSKU 2014/2015 .godinu**

Bihać, august 2014.godine

Broj: 348/14

Bihać: 19.08.2014.godine

Na osnovu člana 31 h) Statuta NS USK-a i člana 4. Pravilnika o nogometnim takmičenjima NS/FS BiH, Izvršni odbor na prijedlog Takmičarske Komisije NS USK-a, na sjednici održanoj dana, 19.08.2014.godine, donosi

PROPOZICIJE
**TAKMIČENJA OMLADINSKE LIGE PREDPIONIRA /U13/, PIONIRA /U15/ I KADETA /U17/
NS UNSKO-SANSKOG KANTONA ZA TAKMIČARSKU 2014/2015.godinu**

OPŠTE ODREDBE

Član 1.

Ovim propozicijama utvrđuje se način organiziranja i provođenja takmičenja omladinske lige NS USK-a u kategoriji predpionira, pionira i kadeta u takmičarskoj 2014/2015 godini.

Član 2.

Omladinsko prvenstvo predpionira (U13) Nogometnog saveza Unsko-Sanskog kantona za takmičarsku 2014/2015 godinu odvijace se u okviru Jedinственe omladinske predpionirske lige Unsko-Sanskog kantona sa brojem klubova do 12 (dvanest).

Omladinsko prvenstvo pionira (U15) Nogometnog saveza Unsko-Sanskog kantona za takmičarsku 2014/2015 godinu odvijace se u formi Jedinственe omladinske pionirske lige Unsko-Sanskog kantona podijeljene u dvije grupe : grupa "I" i grupa "II" po kriteriju geografske povezanosti i ekonomske opravdanosti sa brojem klubova do 14 (četrest).

Omladinsko prvenstvo kadeta (U17) Nogometnog saveza Unsko-Sanskog kantona za takmičarsku 2014/2015 godinu odvijace se u okviru Jedinственe omladinske kadetske lige Unsko-Sanskog kantona sa brojem klubova do 12 (dvanest).

Član 3.

U takmičenju pionirske lige obavezno učestvuju klubovi članovi Nogometne lige NS USK-a, članovi Druge lige Federacije BiH-grupa "Zapad", klubovi Prve lige Federacije BiH, kao i ostali klubovi prijavljeni u takmičenje pod uslovom da ispunjavaju sportske i infrastrukturne kriterije, dok u takmičenju predpionirskih ekipa učestvuju svi prijavljeni klubovi u takmičenje koji ispunjavaju sportske i infrastrukturne kriterije.

U takmičenju kadetske lige obavezno učestvuju klubovi članovi Druge lige F BiH-grupa "Zapad" koji se ne takmiče u Omladinskoj ligi BiH-grupa "Zapad", kao i ostali klubovi prijavljeni u takmičenje pod uslovom da ispunjavaju sportske i infrastrukturne kriterije.

Član 4.

Takmičenje pionira, kadeta i predpionira se odvija po dvostrukom bod sistemu: jesen-proljeće prema usvojenom kalendaru takmičenja, koji usvaja Izvršni odbor NS USK-a najkasnije 30 /trideset/ dana prije početka jesenskog odnosno proljetnog dijela prvenstva .

Član 5.

Po završetku prvenstvenog takmičenja po grupama u završnicu za dobijanja prvaka NS USK-a u kategoriji pionira učestvuju dvije prvoplasirane ekipe iz grupe I i grupe II.

Završnica će se odigrati na terenu kojeg će odrediti organ koji rukovodi takmičenjem.

Na završnici takmičenja pionira sastaju se prvoplasirana ekipa iz grupe "I" i drugoplasirana ekipa iz grupa "II", te prvoplasirana ekipa iz grupe "II" i drugoplasirana ekipa iz grupe "I". Pobjednici iz tih utakmica igraju u finalu, dok poražene ekipe igraju za treće mjesto.

Pobjednici u kategoriji predpionira i pionira stižu pravo takmičenja u završnom dijelu takmičenja na razini NS F BiH za takmičarsku 2014/2015 godinu.

Član 6.

Grupu "I" pionirski selekcija (U15) sačinjavaju klubovi iz općina Bihać, Bos. Petrovac, Ključ i Sanski Most.

Grupu "II" pionirskih selekcija (U15) sačinjavaju klubovi iz općina: Cazin, Bos. Krupa, Bužim i Vel. Kladuša.

Član 7.

Takmičenjem predpionira, pionira i kadeta rukovodi Izvršni odbor NS USK-a putem takmičarskih organa.

USLOVI ZA TAKMIČENJE

Član 8.

Za učestovanje u takmičenju omladinskih liga pored ostalog klubovi moraju ispunjavati slijedeće uslove :

Igrališta :

1. da posjeduje odgovarajuće igralište sa kvalitetnom travnatom plohom za igru ,sa prirodnom ili vještačkom podlogom dimenzija 100-110 m dužine i 64-75 m širine. Teren mora biti travnat cijelom površinom i potpuno ravan da bi omogućio normalno kretanje. Teren sa vještačkom podlogom u svemu mora odgovarati propisima FIFA-e sa kvalitetom travnjaka i odgovarajućim certifikatom koji je propisala i izdala FIFA. Teren za igru mora biti odvojen od gledališta žičanom (zatvorenim) ogradom odgovarajućeg kvaliteta. Ograda mora biti udaljena najmanje 2(dva) m od uzdužne linije igrališta i 3(tri) m od poprečne linije iza vrata (golova) u visini kaznenog prostora. Minimalna visina ograde je 120 cm.

2. Igralište mora posjedovati zaštitne kabine odgovarajućeg kvaliteta za rezervne igrače i stručno rukovodstvo ekipa za najmanje 13 (trinest) osoba i odvojenu kabinu za delegata utakmice, a sve zaštićene od kiše i vjetra. Kabine se postavljaju na uzdužnoj strani igrališta, propisno udaljene od terena za igru, odnosno uzdužne linije (2-3 m).

3. Na stadionu moraju postojati svlačionice za obje ekipe i posebna svlačionica za suce. Sve svlačionice trebaju imati mokre čvorove-kupatila sa toplom vodom, za igrače najmanje 3 (tri) tuš ruže, a kod sudaca 1 (jedna) tuš ruža. Svaka svlačionica treba imati zaseban WC.

4. Izlazak na teren i povrtak igrača u svlačionicu, stručnih rukovodstava ekipa, delegata i sudija mora biti obezbijeđen i odvojen od gledalaca.

5. Na stadionu treba biti posebna prostorija za sastavljanje zapisnika sa telefonom i telefakom.

6. Igralište mora biti primljeno od nadležne Komisije za prijem igrališta i registrirano za odigravanje prvenstvenih utakmica. Zapisnik o prijemu-registraciji igrališta treba da je javno istaknut u prostoriji gdje se sačinjava Zapisnik utakmice.

Član 9.

Klubovi koji ne ispunjavaju uvjete iz člana 4. "igrališta" ovih propozicija mogu u cilju provođenja takmičenja uzeti po zakup igralište nekog drugog kluba ili vlasnika potpisivanjem sporazuma o korištenju igrališta, s tim da isto ispunjava uvjete člana 4. pod "igralište" ovih propozicija.

Za prvenstvene utakmice klub domaćin, odnosno organizator obavezan je osigurati najmanje 3 /tri/ lopte, a u slučaju da na igralištu nemadovoljan broj sakupljača lopti domaćin je obavezan obezbjediti šest(6)lopti, koje u svemu moraju odgovarati propisima Pravila nogometne igre. U slučaju da se utakmica igra po snijegu-odnosno da je teren pokriven snijegom, lopta mora biti crvene boje.

Član 10.

Raspored utakmica za prvenstvo predpionira, pionira i kadeta NS USK-a određuje se žrijebom brojeva klubova učesnika i primjenom Bergerovih tablica, uz mogućnost poludirigovanog žrijeba za klubove iz istog mjesta.

Član 11.

Nakon utvrđenog rasporeda takmičenja za prvenstvene i kup utakmice, klubovi su obavezni u roku od 5 /pet/ dana da dostave u Sekreterijat za takmičenje:

- naziv igrališta na kome će se igrati utakmice

- mjesto odigravanja utakmica
- spisak igrača za tekuću takmičarsku godinu
- boju dresova /gaćice,majice,štucne/,kao i rezervnu boju s kojom će klub nastupati
- dan odigravanja utakmice /subota ili nedelja/

Prije utvrđivanja vremena početka utakmice treba voditi računa o vremenskim prilikama,godišnjem dobu i pomjeranju vremena, kao i o tome da određeni termini ne budu na štetu gostujuće ekipe.

Član 12.

Klub domaćin igra utakmice u mjestu sjedišta kluba,a u nedostatku terena na drugom primljenom igralištu za koje je dobio saglasnost nadležnog organa,koji ne može biti van općine u kojoj je sjedište kluba.,izuzev ako se radi o terenu koji se nalazi na području druge općine,a nije udaljen više od 20 km od mjesta sjedišta kluba.

Igralište koje klub prijavi pred početak takmičarske sezone ne može se mijenjati tokom sezone,izuzev u iznimnim situacijama o kojima odlučuje takmičarski organ uz poštivanje principa regularnosti takmičenja.

Član 13.

U interesu što regularnijeg završnog dijela takmičenja 3(tri) posljednja kola igraju se istog dana,u isto vrijeme,prema utvrđenom rasporedu takmičenja,izuzev ako nema utjecaja na tabelu,a klub domaćin ili gost imaju opravdan razlog za pomjeranje termina uz saglasnost oba kluba i komesara takmičenja.

PROMIJENA TERMINA UTAKMICE

Član 14.

Promjena termina odigravanja utakmice može se vršiti na osnovu podnesenog pismenog zahtjeva zainteresiranog kluba, koji mora biti podnesen komesaru za takmičenje,najkasnije osam (8) dana prije utvrđenog termina odigravanja utakmice, a koji u sebi sadrži razlog zbog kojeg se traži promjena termina utakmice s priloženom dokumentacijom iz koje se može utvrditi opravdanost podnesenog zahtjeva sa eventualnim prijedlogom za novi termin odigravanja utakmice.

U slučaju kada zahtjev za promjenu termina nije podnesen u skladu sa prethodnim stavom, komesar za takmičenje može promijeniti termin utakmice samo ukoliko je klub koji traži promjenu termina dostavio i pismenu saglasnost drugog kluba,što je moguće najkasnije tri (3) dana prije utvrđenog termina utakmice.

Kada se utakmica odlaže zbog bolesti igrača (trovanja i slično), to se može učiniti ukoliko je bolesno najmanje 7 (sedam) standardnih igrača (igrači koji su odigrali najmanje 70% utakmica) u toku tekućeg jesenjeg ili proljetnog dijela prvenstva.

Kada komesar za takmičenje dobije pismeni zahtjev kluba za odgodu utakmice zbog bolesti igrača sa kompletnom medicinskom dokumentacijom iz odgovarajuće medicinske ustanove (nalaz nadležnog specijaliste, dijagnoza, mišljenje o dužini bolovanja i sl.), donijet će odluku o odgodi utakmice.

Kada je došlo promjene termina utakmice, komesar za takmičenje će donijeti odluku da se ona odigra u prvom slobodnom terminu (ako su prestali razlozi zbog koje je utakmica odgođena), pod uslovom da svaki klub ima najmanje dva slobodna dana između odigravanja dvije utakmice.

Član 15.

Utakmice se mogu igrati samo na travnatim terenima koji su spremni za igru ukoliko ispunjavaju uslove iz člana 32. Pravilnika o nogometnim/fudbalskim takmičenjima NS/FS BiH i člana 4. Pod "igrališta" ovih Propozicija.

Klub domaćin je obavezan da teren pripremi za igru tako da bude potpuno pripremljen za odigravanje utakmice.Da li je teren pripremljen za igru ili nije odlučuje glavni sudija koji je određen da vodi utakmicu.Sudija će u zapisnik navesti da li je ili nije teren osposobljen za igru radi uzroka više sile ili zbog nemarnosti kluba domaćina.

Ako se u toku takmičenja neka utakmica ne odigra zbog neobezbjeđenog terena krivicom kluba domaćina-organizatora utakmice ista se na osnovu člana 59.Pravilnika o nogometnim/fudbalskim takmičenjima NS/FS BiH ima registrovati službenim rezultatom 3:0(par-forfe) u korist protivnika-gostujuće ekipe.

Sudija i delegat obavezni su da u zapisnik unesu zaključak o neispravnosti terena ili zaključak da teren nije bio obezbeđen. Delegat će zapisnik dostaviti nadležnom organu u roku od 24 sata, u smislu člana 35. Pravilnika o nogometnim/fudbalskim takmičenjima NS/FS BiH.

NAJMANJI BROJ IGRAČA

Član 16.

Utakmica ne može da počne ako jedan od timova nema najmanje 7 /sedam/ igrača, shodno članu 36. Pravilnika o nogometnim/fudbalskim takmičenjima NS/FS BiH i pravilu III. Pravila nogometne igre.

Igrači koji nisu upisani do početka utakmice u zapisnik, nemogu nastupati na utakmici.

Ako jedan tim za vrijeme trajanja utakmice ostane sa manje od 7 /sedam/ igrača, sudija je dužan zaustaviti igru, a ako u roku od 5 /pet/ minuta klub ne nastupi sa minimalnim brojem igrača, sudija je dužan da odsvira kraj utakmice, shodno članu 38. Pravilnika o nogometnim/fudbalskim takmičenjima NS/FS BiH i pravila III. Pravila nogometne igre.

Svaki klub prijavljuje u zapisnik 18 /osamnest/ igrača. U igri učestvuje 11 /jedanest/ prijavljenih igrača, a tokom utakmice u kategoriji predpionira i pionira može se izvršiti 7 /sedam/ zamjena, a u kategoriji kadeta 5 /pet/ zamjena.

Predstavnici klubova obavezni su dostaviti delegatu sastav ekipa sa ispravnim igračkim legitimacijama i licencama/akreditacijama službenih osoba kluba, najkasnije 30 minuta prije početka utakmice.

OPREMA NOGOMETAŠA/FUDBALERA

Član 17.

Ekipe na jednoj utakmici ne mogu igrati u istim ili sličnim bojama dresa.

Gostujući klub mora poštovati boju sportske opreme kluba domaćina, koja je prijavljena prije početka prvenstva u Sekretarijat saveza i objavljena u Biltenu NS USK-a.

Klub domaćin nastupa u prijavljenoj boji sportske opreme na utakmici.

Ako gostujući klub nema sportsku opremu druge boje, domaćin će mu posuditi opremu boje različite od svoje, a delegat utakmice će gostujući klub prijaviti zbog zanemarivanja obaveza i isti će snositi disciplinsku odgovornost.

Brojevi na dresovima moraju odgovarati onima na popisu igrača u Zapisniku o utakmici.

Ako su dresovi prugasti ili šareni, brojevi moraju biti na jednobojnoj podlozi.

ORGANIZACIJA UTAKMICE - DUŽNOSTI KLUBOVA

Član 18

Organizaciju utakmice provode klubovi koji igraju na domaćem terenu.

Klub domaćin isključivo je nadležan za red i sigurnost prije, tokom i nakon utakmice i bit će pozvan na odgovornost zbog bilo kojeg incidenta, te može biti kažnjen u skladu sa odredbama Disciplinskog pravilnika NS/FS BiH.

Klub domaćin je obavezan pripremiti teren za igru, a odluku o podobnosti terena za odigravanje utakmice donosi glavni sudija.

Svaki klub dužan je na teren doći 60 minuta prije početka utakmice i nastupiti sa najboljim sastavom tima.

Ne izvršavanje obaveze ovog člana povlači disciplinsku odgovornost prema odredbama Disciplinskog pravilnika NS/FS BiH.

Član 19.

Klub domaćin dužan je delegatu utakmice staviti na raspolaganje obrazac zapisnika za utakmice i da pruži svu neophodnu pomoć pri sastavljanju zapisnika.

Zapisnik se sastavlja u zato predviđenoj prostoriji na stadionu, uz prisustvu sudaca, delegata i predstavnika klubova.

Zapisnik se sastavlja u 4 /četiri/ primjerka od kojih prva 2 /dva/ originali pripadaju delegatu, a slijedeći klubovima.

Izvršavanje sa utakmice i izvještaj delegata izrađuju se po završetku utakmice. Izvršavanje radi delegat, a izvještaj sa utakmice glavni sudija utakmice.

Zapisnik prije početka utakmice potpisuju delegate, glavni sudija i predstavnici klubova. Ovlašteni predstavnici klubova, dužni su 60 /šezdeset/ minuta prije odigravanja utakmice delegatu utakmice, dostaviti na uvid spisak sa nogometnim legitimacijama igrača koji tog dana nastupaju, kao i licence trenera, ljekara i fizioterapeuta za tekuću godinu. Ako delegate utakmice utvrdi da trener, ljekar ili fizioterapeut nema licence neće mu dozvoliti da bude u ograđenom dijelu terena za igru.

Član 20.

Klub domaćin dužan je da poduzme sve mjere u cilju obezbeđenja ličnosti članova ekipe, sudija i delegata kako za vrijeme odigravanja utakmice, tako i po završetku utakmice sve do napuštanja igrališta i mjesta odigravanja utakmice.

Klub domaćin je također dužan da obezbjeđi odgovarajuću dežurnu redarsku službu sa dovoljnim brojem redara /najmanje 6 (šest) redara/, te prisustvo pripadnika MUP-a /najmanje 2 (dva) policajca/, dežurno sanitetsko vozilo sa osobljem i nosilima (može se koristiti adekvatno osobno vozilo, kombi ili auto sa četvoro vrata/, a po potrebi i druge službe.

Bez pripadnika MUP-a, redara, sanitetskog vozila i dežurnog ljekara minimum fizioterapeuta sa odgovarajućom medicinskom opremom utakmica se neće igrati, a uz saglasnost oba kluba utakmica se može odigrati i bez prisustva pripadnika MUP-a, uz uslov da je od MUP-a pismeno zatraženo njihovo prisustvo i da je prisutan broj redara regulisan stavom 2. ovog člana.

Sadržaj medicinske opreme -torbe regulisat će se posebnom odlukom Izvršnog odbora NS USK-a.

Klub domaćin obavezan je omogućiti snimanje utakmice gostujućoj ekipi.

Za nepoštivanje obaveza, protiv kluba domaćina primijenit će se disciplinske mjere po odlukama Disciplinskog pravilnika NS/FS BiH i posebnoj Odluci Izvršnog odbora NS USK-a.

PRAVO NASTUPA IGRAČA NA UTAKMICI

Član 21.

Na prvenstvenim utakmicama mogu nastupati igrači koji su stekli pravo igranja prema odredbama Pravilnika o registraciji, statusu i transferu NS/FS BiH i u takmičarskoj 2014/2015 godini pravo nastupa imaju igrači :

PREDPIONIRI: igrači rođeni 01.01.2002.godine, ali ne mlađi od 10 godina života

PIONIRI : igrači rođeni 01.01.2000.godine, ali ne mlađi od 12 godina života

KADETI: igrači rođeni 01.01.1998.godine, ali ne mlađi od 14 godina života

Izuzetno na utakmicama pionira odnosno kadeta može nastupiti igrač mlađi 1 /jednu/ godinu od naznačene, ako je od specialne ljekarske komisije proglašen sposobnim za nastupanje na tim utakmicama, s tim da je to pravo potvrđeno od strane nadležnog organa za registraciju i upisano u nogometnu legitimaciju.

IDENTITET IGRAČA

Član 22.

Na svim prvenstvenim utakmicama igrači moraju imati uredne sportske legitimacije izdate od nadležnog organa za registraciju, sa ovjerenom članarinom za tekuću godinu.

Protiv kluba koji ne poštuje ove odredbe povest će se disciplinski postupak prema odredbama Disciplinskog pravilnika NS/FS BiH, a klub može imati disciplinske i takmičarske posljedice.

Na prvenstvenim utakmicama mogu nastupati samo igrači čiji je identitet utvrđen putem nogometne legitimacije izdate od nadležnog organa za registraciju, a u slučaju njenog nedostatka, identitet će se utvrditi na osnovu javne isprave-pasoša i u tom slučaju, delegat će u prvu stranu zapisnika obavezno upisati broj pasoša, a u izvještaj i sve ostale relevantne podatke (matični broj, datum rođenja i dr.)

Ukoliko se identitet igrača utvrđuje na osnovu javne isprave klub je obavezan Komisiji za takmičenje (Komesaru) NS USK-a dostaviti sportsku legitimaciju u roku od 24 sata.

Identitet se utvrđuje prije početka utakmice, a za vrijeme odmora na poluvremenu i neposredno po završetku utakmice, samo za one igrače koji su zakasnili na početak utakmice odnosno na početak drugog poluvremena, a upisani su u zapisnik utakmice.

Član 23.

Svaki igrač mora imati sportsku legitimaciju sa obilježenim datumom i ovjerenim ljekarskim pregledom (pečat) od strane Zdravstvene ustanove. Izuzetno, može imati zvaničnu ljekarsku potvrdu (sa tačnim datumom i pečatom ljekara i ustanove) o izvršenom ljekarskom pregledu u zdravstvenoj ustanovi, što se može primijeniti izuzetno i samo za jednu utakmicu nakon čega pregled mora biti upisan u sportsku legitimaciju..

Ljekarski pregled važi 4 /četiri/ mjeseca.

Igrač koji nije upisan u zapisnik ili koji nije izvršio ljekarski pregled, ne može nastupati na prvenstvenim utakmicama.

Protiv kluba i igrača koji prekrši odredbe ovog člana bit će pokrenut disciplinski postupak prema odredbama Disciplinskog pravilnika NS/FS BiH.

NEDOLAZAK NA UTAKMICE, NEODIGRAVANJE, PREKID UTAKMICE I NENASTUPANJE RADI SUSPENZIJE

Član 24.

Protiv kluba koji ne nastupi na prvenstvenoj utakmici, koji izazove prekid utakmice, napusti teren ili ne nastupi zbog suspenzije, postupit će se prema odredbama Pravilnika o nogometnim/fudbalskim takmičenjima NS/FS BiH i Disciplinskog pravilnika NS/FS BiH.

Ove odredbe primjenjivat će se i protiv igrača, ukoliko učine prekršaj iz predhodnog stave.

Ako u roku od 15 /petnaest/ minuta od određenog vremena za početak utakmice stalnog takmičenja jedan tim ne nastupi sa potrebnim brojem igrača sudija će saopštiti kapitenu tima koji je nastupio da se utakmica neće odigrati i to će upisati u zapisnik.

Izuzetno, u slučajevima da klub nije mogao da nastupi usljed više sile, sudija će sačekati i nešto duže, ali će voditi računa o tome da utakmica može da se završi na vrijeme.

Ukoliko je utakmica prekinuta iz razloga više sile, a prije isteka 80% regularnog vremena ili nije odigrana, utakmica će se odigrati narednog dana u isto vrijeme, a ako se ne može odigrati ni narednog dana, takmičarski organ će utvrditi novi termin za odigravanje utakmice.

Ako neka od omladinskih selekcija odustane ili bude isključena iz takmičenja u toku takmičarske sezone snosit će disciplinske sankcije prema odredbama Disciplinskog pravilnika NS/FS BiH i njena seniorska selekcija.

Omladinska selekcija koja jednom neopravdano ne ode na utakmicu gubi istu službenim rezultatom 3:0, kažnjava se oduzimanjem 3 (tri) boda i novčanom kaznom u iznosu od 200,00 KM (dvijestotine KM).

Istovremeno sankcije će snositi i njena seniorska selekcija :

- novčanom kaznom u iznosu od 500,00 KM /petstotine KM / ako se radi o selekciji čija je seniorska ekipa član višeg ranga takmičenja /Druge nogometne lige F BiH- grupa "Zapad" ili Prve nogometne lige F BiH /, odnosno
- oduzimanjem 3 (tri) boda ako se radi o pionirskoj selekciji čija je seniorska ekipa član Nogometne lige kantona .

DELEGAT UTAKMICE

Član 25.

Za sve prvenstvene utakmice, nadležni organ će delegiranjem odrediti delegata utakmice, koji zastupa takmičarsko rukovodstvo i ima vrhovni nadzor na utakmici

Nakon delegiranja, delegat dobija nalog Sekretarijata takmičenja putem pošte ili putem Interneta, u čijem sadržaju mora biti navedeno mjesto, datum i sat odigravanja utakmice, podaci o sucima, te troškovi koji im pripadaju.

U slučaju da na utakmicu ne dođe određeni delegat dužnost delegata obaviti će sudac susreta.

Listu delegata čine članovi organa Saveza, sportski radnici i bivše sudije, a način izbora i kriterije za izbor delegata utvrđuje Izvršni odbor NS USK-a posebnom odlukom.

Delegati (aktivni igrači i treneri) ne mogu obavljati dužnost delegate na istom rangu takmičenja na kojem zvanično igraju i obavljaju trenersku dužnost .

Delegat je dužan pola sata prije odigravanja utakmice održati sastanak u prisustvu predstavnika klubova, sudija utakmice, komesara bezbjednosti, vođe patrola policije i drugih sa ciljem uvida stanje igrališta, svlačionica igrača i sudija, servisa prve pomoći, stanja bezbjednosti i dr.

Delegat je obavezan da ovjeren spisak od strane kluba sa imenom i prezimenom komesara bezbjednosti,policije,redara,sakupljača lopti,nosača nosila, uz zapisnik, dostavi takmičarskom organu.

Delegat utakmice dužan je da u roku od 24 sata po odigranoj utakmici dostaviti zapisnik utakmice /prva strana/ i izvještaj sudije /druga strana/ u kancelariju NS USK-a putem faxes broj: 037-220-283. Takmičarska komisija će donijeti posebno upustvo o vršenju dužnosti delegata koje će dostaviti klubovima,delegatima i sudijama.

Ukoliko na utakmici dođe do incidenta,prekida utakmice I sl. delegate je obavezan u roku od 24 sata dostaviti dopunsko izvješće,a na zahtjev Komisije ili Sekreterijata i u drugim situacijama.Na poziv Sekreterijata ili takmičarskog organa delegate je dužan izvještaj ili dopunski izvještaj dostaviti i ranije.

SUCI UTAKMICE

Član 26.

Sve prvenstvene utakmice nogometnih liga kantona mogu voditi samo suci sa ispitom saveznog nogometnog suca,federalnog suca,kantonalnog suca,kao i sudaca koji se nalaze na listama verifikovanim od strane Izvršnog odbora NS USK-a.

Liste predlaže Komisija za suce i suđenje NS USK-a.

Određivanje sudija vrši nadležni takmičarski organ kojeg imenuje Izvršni odbor NS USK-a.

Nakon određivanja sudija dobija nalog za suđenje,u kojem se navode svi podaci za obavljanje dužnosti (ekipe, mjesto,datum i vrijeme odigravanja utakmice, imena službenih lica,podatke za naplatu troškova).

Član 27.

Sudac utakmice je dužan da prije početka utakmice pogleda i odluči da li je teren pogodan za igru ili nije.Ako sudija utvrdi da je teren nepododan za igru,to konstatuje u zapisnik u skladu sa članom 35.Pravilnika o nogometnim/fudbalskim takmičenjima NS/FS BiH i o tome obavijesti na sastanku koji drži delegat utakmice prije početka utakmice.

Sudac je dužan da prije početka utakmice potpiše prvu stranu zapisnika.

Sudac je dužan da poslije utakmice ispuni sve relevantne podatke u sudački izvještaj,da unese sve primjedbe kao opomenute i isključene igrače,da ga potpiše i preda delegatu utakmice,koji će isti dostaviti Sekreterijatu takmičenja zajedno sa svojim izvještajima.

Ukoliko delegirani sudac ne dođe na utakmicu istu će suditi prvi pomoćni sudac,a ako on ne dođe suditi će drugi pomoćni sudac.

Ukoliko na utakmicu ne dođe ni jedan od delegiranih sudaca,klubovi će se sporazumiti da utakmicu sudi jedan od prisutnih sudaca.Ako sporazum između klubova ne bude postignut ,onda će delegate odlučiti koji će od prisutnih sudaca suditi utakmicu.

Sporazum o izboru suca mora biti pismeno utvrđen prije početka utakmice.Zapisnik o sporazumu potpisuju oba kapitena,predstavnici klubova i delegat.Ako se klubovi nisu sporazumjeli o izboru suca,pa je istog odredio delegate,to se mora konstatovati u posebnom zapisniku sa utakmice koji je sastavni dio zapisnika.

Ukoliko na utakmicu ne dođe jedan ili obojica pomoćnih sudaca glavni sudac će odlučiti o izboru pomoćnih sudaca.

Protiv sudije koji ne dođe na zakazanu utakmicu povest će se disciplinski postupak prema odredbama Disciplinskog pravilnika NS/FS BiH.

SUSPENZIJA

Član 28.

Suspendovani tim,odnosno svi timovi suspendovanog kluba ne mogu nastupati na prvenstvenim utakmicama sve dok traje suspenzija.

Sve utakmice,koje su prema rasporedu takmičenja predviđene da se odigraju u vrijeme suspenzije,izrečene zbog neizvršavanja pravosnažnih odluka nadležnih organa ili neizvršavanja nespornih obaveza nastali iz takmičenja predviđenim propozicijama nadležnog takmičenja,će biti registrovane rezultatom 3:0 /par-forfe/ u korist protivnika.

Ostale utakmice na kojima suspendovani tim nije mogao nastupiti do donošenja konačne odluke o nekom spornom slučaju neće biti registrovane sve dok se ne donese konačna odluka.

Po donošenju konačne odluke klub je dužan odigrati utakmice prema rasporedu nadležnog takmičarskog rikovodstva.

Ako suspendovani tim nastupi na javnoj utakmici pokrenut će se disciplinski postupak prema odredbama Disciplinskog pravilnika NS/FS BiH ,s tim da će klub snositi takmičarske posljedice ukoliko je na utakmicu uložena žalba prema odredbama Pravilnika o nogometnim/fudbalskim takmičenjima NS/FS BiH.

Klub koji nastupi protiv suspendovanog ili kažnjenog kluba,ukoliko je blagovremeno obaviješten o suspenziji ili kazni,snosit će disciplinske posljedice u skladu sa odredbama Disciplinskog pravilnika NS/FS BiH .

ŽALBE I ODLUČIVANJE PO ŽALBAMA

Član 29.

O regularnosti utakmice stalnog takmičenja može se rješavati na osnovu žalbe oštećenog kluba i izvještaja službenih lica.

Pod oštećenim klubom u smislu predhodnog stave podrazumijeva se svaki klub koji je oštećen rezultatom utakmice na koju se ulaže žalba.

Žalbe po svim osnovama moraju se telegrafski ili faxom najaviti u roku od 24 sata po odigranoj utakmici,a obrazloženje sa dokazom o uplaćenju taksu utvrđenoj odlukom Izvršnog odbora NS USK-a i ovim Propozicijama,ima se dostaviti u roku od 3 /tri / dana od dana odigravanja utakmice.

Ukoliko rok za najavu i ulaganje žalbe ističe u nedelju ili na državni praznik ,rok za najavu i ulaganje žalbe produžava se za prvi naredni radni dan.

Žalba se dostavlja Komisiji za takmičenje u dva primjerka.

Član 30.

Neblagovremeno najavljene,neobrazložene,netaksirane ili nedovoljno taksirane žalbe neće se uzimati u postupak,već će se odbaciti,a utakmica će se registrovati postignutim rezultatom.

Odluke o uložnim žalbama bit će donijete u roku od 8 /osam/ dana od dana prijema žalbe.

Član 31.

Za utakmice o žalbama u prvom stepenu odlučuje Komisija za takmičenje.

Član 32.

Žalba na prvostepenu odluku može se podnijeti Apelacionoj komisiji NS USK-a u roku od 8 /osam/ dana od dana prijema pismene odluke prvostepenog organa.

Drugostepena odluka mora biti donesena u roku od 8 /osam/ dana od dana prijema žalbe .

Drugostepena odluka je konačna.

Protiv odluke drugostepenog organa može se podnijeti zahtjev za preispitivanje odluke Izvršnom odboru NS USK-a u roku od 8 /osam/ dana od dana prijema odluke drugostepenog organa.

Izvršni odbor NS USK-a će po zahtjevu kluba rješavati u roku od 15 /petnest/ dana računajući od dana prijema istog uz obavezno predhodno mišljenje Komisije za propise /član 79.Pravilnika o nogometnim/fudbalskim takmičenjima NS/FS BiH/.

Član 33.

Takse na žalbe u prvom i drugom stepenu vezane za Pravilnik o nogometnim takmičenjima NS/FS BiH,Disciplinski pravilnik NS/FS BiH i preispitivanje odluke pred Izvršnim odborom NS USK-a su slijedeće:

- taksa u prvom stepenu za klub iznosi..... .50,00 KM
- taksa u drugom stepenu za klub iznosi100,00 KM
- taksa za pojedince iznosi 50% od takse koju plaćaju klubovi.

Eventualne troškove žalbenog postupka snosi klub koji ih je prouzrokovao.

Sredstva od naplaćenih taksu za žalbe pripadaju prihodima NS USK-a.

REGISTRACIJA UTAKMICA

Član 34.

Ako na utakmicu nije uložena žalba, a ne postoje uvjeti za registraciju po službenoj dužnosti sa 3:0 / par-forfe /, utakmica se registruje postignutim rezultatom.

Ako je prvostepena odluka pravosnažna ili je donesena drugostepena odluka koja je konačna, jednom registrovana utakmica ne može biti poništena, izuzev u postupku pred Izvršnim odborom NS USK-a.

Komesar za takmičenje vrši registraciju odigranih utakmica najkasnije u roku od 21 /dvadesetjedan/ dan od dana odigravanja utakmice i svoje odluke objavljuje u službenom biltenu i na internet stranici Saveza.

Ako je uložena žalba, rok za registraciju utakmice produžava se do konačne odluke.

DISCIPLINSKE ODREDBE

Član 35.

O disciplinskim prekršajima igrača, službenih predstavnika (trener, fizioterapeut, zvanični predstavnik kluba, komesar za bezbjednost/ i klubova koji učestvuju u takmičenju odlučuje se na osnovu Disciplinskog pravilnika NS/FS BiH i posebnih odluka IO NS USK-a.

Prvostepene odluke o disciplinskim prekršajima donosi nadležni Disciplinski sudija NS USK-a u roku od 8 /osam / dana po odigranoj utakmici, odnosno podnesenoj prijavi.

Drugostepene odluke po žalbama na odluke disciplinskog sudije NS USK-a donosi Apelaciona komisija, a žalba ovom organu podnosi se u roku od 8 (osam) dana nakon prijema pismene prvostepene odluke putem prvostepenog organa.

Drugostepeni organ će svoje odluke donijeti u roku od 8 (osam) dana računajući od dana prijema žalbe.

Disciplinske odluke o disciplinskim prekršajima su konačne.

Protiv odluke drugostepenog organa, može se podnijeti prijedlog za ponavljanje postupka Izvršnom odboru NS USK-a u roku od 8 (osam) dana od dana prijema pismene odluke drugostepenog organa. Prijedlog za ponavljanje postupka podnosi se putem Komisije za propise koja je obavezna dati svoje mišljenje.

Izvršni odbor NS USK-a će prijedlog riješiti u roku od 30 (trideset) dana.

Automatska kazna zabrane igranja jedne prvenstvene ili kup utakmice nastaje poslije svake 3 (treće) javne opomene koju igrač dobije na prvenstvenoj ili kup utakmici u toku jedne takmičarske godine, a automatski prestaje poslije prvenstvene ili kup utakmice na kojoj je igrač morao da pauzira pa i u slučaju nastupa igrača pod automatskom kaznom na toj utakmici.

Javne opomene (žuti) kartoni radi koji je igrač dobio crveni karton ne evidentiraju se, evidentira se samo crveni karton.

UTVRĐIVANJE PLASMANA

Član 36.

Plasman klubova na tabeli utvrđuje se prema odredbama člana 42. Pravilnika o nogometnim takmičenjima NS/FS BiH.

VRIJEME TRAJANJA UTAKMICE

Član 37.

Utakmica predpionira igraju se dva puta po 25 (dvadesetpet) minuta, pionira dva puta po 30 (trideset) minuta, a utakmice KADETA po 40 (četrdeset) minuta. Odmor između poluvremena traje 10-15 minuta, s tim da klubovi u Jedinstvenoj ligi pionira igraju predigru kadetima, odnosno dva (2) sata prije zakazane utakmice kadeta.

FINANCIJSKE ODREDBE

Član 38.

Svaka prvenstvena utakmica podliježe troškovima koje snosi klub domaćin, a troškovi se isplaćuju na osnovu priloženog naloga NS USK-a. Sudijama i delegatu utakmice isplaćuju se slijedeći troškovi: taksa za suđenje i putni troškovi.

Taksa za službena lica utakmice iznosi :

- delegat utakmice..... 20,00 KM
- glavni sudija utakmice 20,00 KM
- pomoćni sudija – prvi asistent utakmice..... 15,00 KM
- pomoćni sudija – drugi asistent utakmice 15,00 KM

Obrračun putnih troškova prevoza do mjesta odigravanja utakmica i nazad za svako kolo vrši tehnički sekretar NS USK-a, a na osnovu Odluke Izvršnog odbora NS Unsko-Sanskog kantona. Ako službena lica dolaze na utakmicu u mjesto sa područja iste opštine, nemaju pravo na naknadu putnih troškova do 10 kilometara.

Sve isplate vrše se poslije utakmice.

Klubovi koji uplatu troškova utakmice vrše putem žiro računa, dužni su troškove uplatiti svakoj službenoj osobi pojedinačno na njivo tekuće žiro račune, u roku od 48 sati po odigranoj utakmici.

Ukoliko klub ne isplati službena lica ili ih djelomično isplati, dužan je iste uplatiti najkasnije do naredne utakmice, te su dokaz o uplati dužni dati na uvid delegatu na prvoj narednoj prvenstvenoj ili kup utakmici. Neispunjavanje finansijskih obaveza u datom roku prema službenim licima, nastupa automatska suspenzija kluba, i ista povlači disciplinske posljedice u skladu sa odredbama Disciplinskog pravilnika NS/FS BiH.

U slučaju da utakmica nije odigrana iz razloga za koji službena lica ne snose krivicu, a doputovali su u mjesto odigravanja i na stadion, pripadaju im putni troškovi shodno odluci IO NS USK-a.

Član 39.

Ostali troškovi takmičenja padaju na teret svih klubova kao vid kotizacije koju treba uplatiti prije početka takmičenja. Kotizacija za cijelo takmičenje iznosi 200,00 KM po selekciji, a odnosi se na troškove vođenja utakmica i druge prateće izdatke vezane za takmičenje i rada Nogometnog saveza. Svaki klub je dužan prvi dio kotizacije od 100,00 KM (50%) uplatiti prije početka takmičenja, a drugi dio na početku proljetnog dijela takmičenja u 2015. godini.

Klub koji ne uplati kotizaciju za takmičenje biće suspendovan i snosiće disciplinske posljedice po odredbama Disciplinskog pravilnika NS/FS BiH.

POSEBNE ODREDBE

Član 40.

Taksa na žalbe po bilo kojem osnovu iz Propozicija za klubove članove NS USK-a i pojedince uplaćuje se na žiro račun NS USK-a broj: 338-500-22005184-45 Unicredit Zagrebačka banka.

Član 41.

Učesnicima završnice prvenstva dodjeljuju se plakete za učešće u završnici, a prvaku, drugoplasiranoj i trećeplasiranoj ekipi dodjeljuju se pehari u trajno vlasništvo, a na prijedlog Komisije za takmičenje Izvršni odbor NS USK-a može dodijeliti i druga priznanja i nagrade.

Odluke o dodjeli pehara, raznih priznanja i o dodjeli nagrada donosi Izvršni odbor NS USK-a, a na prijedlog Komisije za takmičenje.

Član 42.

Klubovi učesnici takmičenja dužni su prije početka prvenstva uplatiti kotizaciju za takmičenje u iznosu od 200,00 KM/dvijestotineKM/ u dvije rate /jesen-proljeće/.

POPUNJAVANJE LIGE

Član 43.

Popunjavanje omladinske lige pjetlića-selekcija U 10 vrši se uključivanjem novoformiranih ili aktiviranjem rada ranije postojećih klubova koji ispunjavaju uslove iz Propozicija takmičenja NS USK-a.

ZAVRŠNE ODREDBE

Član 44.

Za sve što nije predviđeno ovim Propozicijama važe odredbe Pravilnika o nogometnim/fudbalskim takmičenjima NS/FS BiH, odredbe Disciplinskog pravilnika NS/FS BiH i odredbe ostalih normativnih akata NS/FS BiH i NS F BiH.

Član 45.

Izmijene i dopune ovih Propozicija vrše se prema istom postupku ,kao i njihovo donošenje.

Član 46.

Ove Propozicije stupaju na snagu danom donošenja,a primijenjuju se za takmičarsku 2014/2015 godinu i objavit će se u Biltenu NS USK-a.

TAKMIČARSKA KOMISIJA NS USK-a

Asim Selimović,s.r

IZVRŠNI ODBOR NS USK-a

Amir Hadžić,s.r